

URRIAK 12. Hispanitatearen Egunean «euskal herritartasuna aldarrikatzearen» garrantzia azpimarratu dute

Bihar lan egiteko deia egin du Udalbiltzako Batzorde Eragileak

Iruñeko egoitza zabalduko du eta naziotasun aitormenak bideratzen hasiko da

Irene Arrizurieta | IRUÑEA

Udalbiltzako Batzorde Eragileak lan egingen du bihar, eta Iruñeko egoitza zabalduko du Euskal Herriko Naziotasun Aitormen (EHNA) eskaerak bideratzen hasteko. Hispanitatearen Egunagatik, Hego Euskal Herriko egutegi ofizialean jai eguna izan arren, euskal herritarrei espainiar izatea «inposatu» egiten zaiela argudiatuz, lanera deitu du erakundeak.

Iruñean Euskal Herriko Naziotasun Aitormena (EHNA) bideratzeko bildu ziren lau mila sinadurak aintzat hartuz, Udalbiltzako Batzorde Eragileak naziotasun aitormena tramitatzen hasiko da bertan.

Euskal Herriko beste herri batzuetan naziotasun aitormenaren agiriak udaletxeak berak tramitatzen dituen arren, Iruñeko Udalak ukatu egin du aukera hori. Joan den ekaineko udal plenoan Batasunak egindako eskaera ez zuten eztabaidatzen utzi UPNk eta PSNk. Beraz, Udalbiltzako Batzorde Eragileak hartu du lekukoa, eta naziotasun aitormena egiteko eskaerak bideratuko ditu bihar zabalduko duen egoitza berrian.

Udalbiltzak euskal herritarrei

OSKAR GOÑI

Udalbiltzako Batzorde Eragileko kidea

«Espainiar izatea inposatu egiten zaigulako aukeratu dugu Hispanitatearen Eguna»

bere naziotasuna aitortzeko hartu konpromisoan «beste urrats bat» da biharkoa, Oskar Goñi Batzorde Eragileko kidearen esanetan.

Gazteluko Plazako bulegoa 11:00etan zabalduko dute. Irekitzeko ekitaldira hainbat alkate eta zinegotzi hurbilduko dira, eta ateak zabalik egonen dira ere edozein herritarrentzako.

Beraz, naziotasun aitormena eskuratzeko Euskal Herriko beste udal batzuetan egiten ari diren tramiteak Gazteluko Plazako egoitzan egingen dituzte iruindarrek. Hala, agiria lortu nahi duenak karneta tamainako hiru argazki, eta erroldaren agiria eraman besterik ez du.

«Inposatutako jaia»

Erakundeak bihar ospatzen den Hispanitatearen jai eguna auke-

HERNANIKO EKIMENA



GARI GARAIALDE

Nazio Egutegiaren aldeko Ekimena osatzen duten taldeen ordezkariak, atzo, prentsaurrekoan.

Nazio egutegiaren alde

Hernaniko Nazio Egutegiaren aldeko Ekimenak bihar (urriaren 12a) lan egiteko dei egin zuten atzo herriko sektore ezberdinei eta euren konpromisoa azaldu zuten egun horretan lan egiteko. Herriko hainbat taldek osatzen dute Nazio Egutegiaren aldeko Ekimena, hala nola, ABK, merkatariak, LAB, Udaletxeko ordezkariak, AEK, ikasleak, Bai Euskal Herriari taldea, Udalbiltza eta Euskal Matrikularen aldeko Ekimenak.

Ekimeneko arduradunek adierazi zutenenez, «herri garen heinean, eskubidea dugu askatasunez erabakitze eta gure lana eta atsedenal-

dia nahi bezala antolatze» horrela, uztailaren 25ean, urriaren 12an eta abenduaren 6an lan egitea erabaki dute. Ordezko egunak zehazten hasi dira, eta haien artean abenduaren 3an, Euskararen Egunean, jai egingo dute. Ekimenarekin bat egiteko, bihar elkarretaratzea egingo dute Gudarien Plazan eguerdiko 13:00etan.

Udalbiltzako ordezkariak bere babes eman zion Hernaniko Udalari, egutegi propioa indarrean jarri zuen lehen udala izan delako. Egun go lan egutegia «Espainiak inposatutakoa» dela esan zuen. Bestalde, Udaleko Enpresa Batzordeko LABeko ordezkariak bihar lan egingo dute, nahiz eta urriaren 12a eta abenduaren 6a lanegun bezala izendatzeko Udalak hartutako erabakia baliogabetu duten epaitegiek.

ratu du egoitza zabaltzeko, espainiar izatea «inposatu» egiten zaielako euskal herritarrei. Goñiren aburuz, egun horretan «euskal herritartasuna aldarrikatzea, naziotasun eskubidea egituratzeko beste urrats praktikoa ematea da».

Bestalde, oraingoz naziotasun aitormena egiteko aukera Iruñeko bizilagunei bakarrik eskainiko zaie, eta Iruñerrikoek itxaron egin beharko dute. Batzorde Eragileak naziotasun aitormena tramitatzea Iruñeko Udalari eskatu zion, eta

ezetza jaso zuenez, aukera hori orain zabaldu dute Udalbiltzako ordezkariak.

Iruñerriko beste udaletan aurki aurkeztuko dira naziotasun aitormena onartzeko helegiteak, eta erantzunaren arabera erabakiko da zer egin.

Euskal Herria ni os quiere, ni os necesita ALDE HEMENDIK

urriak
12
ostirala

**ARRATSALDEKO 17:00 - TAN
Iruña - ko PARQUE ANTONIUTTI - tik**

**MANIFESTAZIO
NAZIONALA**



utzi bakean EUSKAL HERRIA !